

## **Orang-orang Islam Singapura dihukum dengan Hukuman Bukan Islam?**

Dengan adanya Undang-undang Pertadbiran Islam Singapura (1957) dan dengan Pindaan (1960) maka di Singapura dijalankan undang-undang. Peraturan hukum bagi orang-orang Islam dengan dikelolakan oleh sebuah mahkamah syariah segala urusan nikah kahwin cerai berai adalah dikelolakan oleh mahkamah itu. Ini terjadi ialah sesudah umat Islam berhajat kepada suatu peraturan yang lebih baik tentang urusan permasarakatan mereka di dalam hal ehwal nikah kahwin, kerana sebelum itu adalah perkara-perkara itu hanya terpulang kepada kebijaksanaan kadi masing-masing yang terletak di bawah pegawai pendaftar nikah kahwin dan cerai.

**(Oleh: Abdullah bin Hamid al-Edrus)**

Pemimpin-pemimpin Islam masa ini berharap, dengan adanya peraturan-peraturan yang diadakan dapatlah penyakit masyarakat yang mendukacitakan itu sekurang-kurangnya diperbaiki dengan syarat tidaklah terjadi di dalamnya perkara-perkara aniaya atau kezaliman kepada salah satu golongan Islam dan tidak pula kelak peraturan-peraturan atau undang-undang yang diadakan itu bertentangan dengan hukum syarak Islam. Kehendak ini lebih-lebih lagi terserlah bahawa kerajaan yang memerintah Singapura dari apa corak pun mengakui bahawa mereka tidak akan mengganggu keamanan dan kesejahteraan beragama penduduk-penduduk Islam di negeri Singapura ini.

Berdasarkan kepada kenyataan-kenyataan seperti ini maka pada mulanya umat Islam Singapura berasa syukur dan gembira akan adanya peraturan-peraturan khas untuk orang Islam tetapi apabila berjalan masuk kepada tahun 1960 maka mulailah di sana diadakan beberapa peraturan-peraturan yang dijalankan oleh mahkamah syariah yang dipandang oleh orang-orang Islam bertentangan dengan undang-undang Islam. Hal ini menjadikan Peguam Agung kerajaan Singapura, Encik Ahmad bin Muhammad Ibrahim, pada 19 haribulan April 1961 menafikan bahawa tidak ada peraturan-peraturan dijalankan dengan mengadakan borang-borang permohonan untuk berkahwin; tidak ada tuntutan atas seseorang suami yang ada isteri hendak berkahwin lahi untuk diminta menerangkan hasil mahsulnya, dan mesti mendapatkan izin daripada

isterinya. Tidak ada juga peraturan-peraturan yang dijalankan mengehendaki seseorang yang hendak menceraikan isterinya mesti mendapat persetujuan lebih dahulu daripada pihak isteri. Ini, katanya tidak betul – hanyasanya menurut pindaan undang-undang Islam 1960, *Chief Kadi* sahaja yang dibenarkan menikahkan seseorang lelaki yang ada mempunyai isteri (bermadu).

Kebetulan pula masa itu, soal Rang Undang-undang hukuman kepada orang-orang Islam telah heboh tetapi mujurnya alam masa itu diputuskan bahawa rang undang-undang itu ditarik semula untuk disemak. Semenjak daripada masa itu hingga sekarang tidak terdengar khabar beritanya lagi, tetapi rupanya di dalam masa rang undang-undang itu dikaji umat Islam tidak menyedari bahawa peraturan-peraturan yang tadinya dinafikan nampaknya dengan diam-diam telah dijalankan harus dijadikan suatu peraturan tetapi di Singapura yang tidak dapat diketahui oleh ramai melainkan sesudah seseorang itu terkena di dalam undang-undang itu.

Banyak pengaduan-pengaduan yang telah diterima dengan membawa keterangan-keterangan yang menunjukkan bahawa:

1. Seseorang tidak diterima cerai atas isterinya melainkan isteri lebih dahulu diberitahu atau bersetuju.
2. Orang-orang yang ada mempunyai isteri tidak dibenarkan berkahwin di Singapura sekalipun.

- a) Ada mempunyai kemampuan
- b) Ada persetujuan dari isteri yang tua
- c) Ada persetujuan bakal ayah mertua (wali perempuan)
- d) Ada persetujuan dari isteri yang baharu sendiri.
- Mereka-mereka yang dibenarkan dikahwinkan di Singapura, menurut perkataan yang disampaikan orang bahawa *Chief Kadi* Singapura menyampaikan kepadanya bahawa orang hanya dibenarkan kahwin lebih daripada satu di atas tiga perkara:
1. Perempuannya sudah tersangat tua
  2. Gila
3. Berpenyakit yang menegah untuk *diwāfiṭ*.
- Kalau benar peraturan-peraturan ini dijalankan terhadap umat Islam di Singapura maka sebenarnya umat Islam terasa atau disentuh bahawa hukum syarak adalah dilanggar. Kebebasan yang diberi oleh agama kepada perseorangan adalah nampaknya telah dirampas. Hukum syarak di dalam nikah kahwin yang dijalankan di Singapura, sepanjang yang disampaikan, tidak lagi mengikut sebagaimana yang dikehendaki oleh syarak tetapi nempaknya adalah bertentangan dengan kelulusan-kelulusan yang diberi oleh syarak.

Telah disampaikan dan diberi bukti-bukti yang bertulis

kepada saya bahawa seorang lelaki telah memohon kepada mahkamah sambungan pada muka 38

## IKLAN

Untuk tuan-tuan sahaja silalah pesan segera piring-piring hitam (rekoder) bacaan al-Qur'ān al-Karīm yang disampaikan oleh qari pujaan dunia Islam (**Al-Shaykh 'Abdul-Basit 'Abdus-Samad**) dalam rakamannya yang terutama dari surat-surat Al-Qur'ān seperti berikut:

1. Tāha, 2. 'Āli-'Imrān, 3. Maryam, 4. Yūsuf, 5. Ibrāhīm, 6. Al-Kahfi, 7. Al-Rahmān (dan) Yāsin,
8. Al-Hāqqah (dan) Al-Hujurāt, 9. Al-Qiyāmah (dan) surah-surah pendek, 10. Tabārak (al-Mulk) dan surat-surat pendek semuanya (10) macam rakaman terjamin memuaskan, di atas piring-piring hitam (plastik) besarnya 12 inci **LONG PLAY** pusingan RPM 33 1/3 panjangnya lebih kurang 45 minit. Harga sebuah \$17.50 di Singapura dan \$20.00 di Malaya.

Rakaman-rakaman yang lain pula dari surah:

1. Al-Mu'minūn (dan) Fuṣṣilat, 2. Luqmān (dan) 'Āli-'Imrān (**oleh Al-Shaykh Mahmoud Khalil Al-Husary**)
3. Maryam (dan) Al-'Isrā' (**oleh Al-Shaykh Taha Al-Fashni**), 4. Yūsuf, 5. Ibrāhīm, 6. Al-'Isrā', 7. Al-Aḥzāb,
8. Sekumpulan surah-surah pendek (**oleh Al-Shaykh Abdul Aziz Harabi**) - dirakamkan atas piring hitam (plastik) besarnya 7 inci **EXTENDED PLAY** pusingan. **45 RPM** panjang lebih kurang 15 minit. Harga sebuah **\$ 5.50** di Singapura dan **\$ 6.75** di Malaya. Mintalah senaskah senarai percuma.

## PESAN-LAH KEPADA:-

**ALMAKTAN ATTIJARI ASSHARGI,**

**Kandahar Street, P.S No. 2205,**

**SINGAPORE-7.**

# Orang-orang Islam Singapura dihukum dengan hukuman bukan Islam?

Sambungan dari muka 7

Syariah Singapura untuk beristeri lagi satu.

Mahkamah menyuruh mengisi borang yang menyatakan beberapa orang anaknya, berapa gajinya (pendapatan) yaitu selain daripada pertanyaan biasa. Kemudian ia dikehendaki meminta persetujuan isterinya - dan isterinya yang ada itu sendiri akan ditanya oleh "wakil" dari Mahkamah Syariah itu.

Syarat-syarat yang dikehendaki oleh mahkamah telah dipenuhi - ia menyatakan pendapatannya sebanyak \$600.00 sebulan (dengan membawa surat-surat keterangan dari majikan yang membayar gajinya), ia membawa pula persetujuan dari isterinya dengan isterinya menyatakan bahawa ia sendiri yang meminangkan perempuan itu dan ia sendiri reda bersama-sama kerana perempuan itu keluarganya sendiri - kalau perempuan lain ia tidak mahu, ia perempuan (wali) bagi gadis yang hendak dikahwininya itu telah menyatakan (dengan bertulis keredaannya) dan juga perempuan itu sendiri telah mengaku akan redanya.

Keterangan-keterangan ini telah dikatakan disabitkan dihadapan Chief Kadi Singapura tetapi khabarnya Chief Kadi tidak boleh membawa apa-apa lalu menunggu perintah dari "atas" dan perintah dari atas pula tiba-tiba menghendaki supaya anak gadis yang hendak dikahwin itu dijalankan peperiksaan oleh pegawai kebajikan masyarakat mahkamah itu. Itupun belum terjamin yang permohonan itu akan dibenarkan kerana menurut Chief Kadi bahawa ia tidak boleh mengkahwinkan melainkan: 1. Kalau isterinya tersangat tua; 2. Gila 3. Berpenyakit yang menahan daripada diwati'i.

Dengan kerana itulah orang ini meminta surat kepada Chief Kadi supaya meluluskannya berkahwin di Johor,

kerana kebetulan perempuan itu berada di dalam daerah Johor khabarnya Chief Kadi pun dikatakan menulis surat kepada Pejabat Agama Johor menyatakan bahawa perkahwinan yang seperti itu keadaannya tidak diluluskan diakadkan di Singapura sekarang ini!

Ini satu kejadian - ada beberapa banyak kejadian lagi yang disampaikan kepada kita yang kononnya setengahnya apabila ditolak, kerana suka sama suka lalu bersatu sedang kalau dinikahkan di luar mahkamah (sah mengikut syarak) akan dihukum dengan hukuman tidak lebih dari \$500.00 denda atau 5 bulan penjara kerja berat ataupun bersama-sama sekali (penjara dan denda).

Orang sekarang berasa musykil - mengapakah kerajaan Singapura mengadakan peraturan yang sebegitu ketat terhadap perkahwinan umat Islam di Singapura? Adakah kerajaan mahu banyak adanya anak haram - anak yang dikawal pula oleh *Woman Charter* (Piagam Wanita) boleh mewarisi daripada ayahnya?

Mudarat seperti ini adalah sangat ditegah dan mestи dijauhi oleh syarak kerana tidak ada seperti perkara yang panjang pertaliannya - berturut-turut dan bersambung-sambung keadaannya selain daripada anak zina - dan zina di dalam Islam sangat keras hukumnya.

Pada suatu hari, seorang Badwi datang kepada Rasulullah S.A.W. Rasulullah bertanya kepadanya tentang keadaannya. Ia mengadukan hal hidupnya yang sangat susah. Rasulullah bertanya: Adakah ia beristeri. Ia menyatakan yang ada belum ada isteri. Berkahwinlah kamu, kata Rasulullah kepadanya. Bagaimana saya hendak berkahwin - buat hidup saya sendiri pun tidak upaya saya menyaranya. Sahabat-sahabat yang ada di situ menyuruhnya mengikut perintah Nabi. Mereka mengumpulkan barang-barang untuk mahar Badwi itu kahwin. Badwi itu pun berkahwinlah.

Tidak lama sesudah itu datang pula Badwi itu menghadap Nabi. Nabi bertanya perihalnya. Ia menyatakan sesudah

beristeri keadaannya susah lagi. "Berkahwinlah lagi kamu", perintah nabi kepadanya. Bagaimana saya mahu kahwin yang ada sekarang tidak terbela. Sahabat-sahabat yang ada di situ mendesak Badwi itu berkahwin lagi dengan mereka beryuran untuk mas kahwinnya. Kahwin dualah Badwi itu.

Tidak lama sesudah itu ia menghadap pula kepada Nabi S.A.W dia mengadukan halnya yang lebih-lebih susah lagi sesudah beristeri dua itu. Tetapi Nabi dengan tersenyum-senyum menyuruhnya berkahwin lagi seorang - jadi tiga orang. Ia telah berasa enggan menurut perintah itu kerana pada akalnya yang dua tidak terbela apalagi dengan tiga. Tetapi sahabat-sahabat mendesaknya supaya ia mengikut perintah Nabi dengan ikhlas dan mereka sekali lagi beryuran pula untuk mas kahwinnya. Sekarang tigalah isterinya.

Ia balik ke tempatnya. Tidak lama ia balik pula mendapatkan Rasulullah S.A.W mengadukan keadaannya yang lebih sempit dan lebih payah lagi pada masa-masa yang sudah-sudah. Sekarang kamu berkahwin lagi satu, kamu akan beruntung dengannya. Badwi ini tidak mahu percaya – bagaimana ia akan dapat membela empat orang isteri sedang yang tiga kepayahnya ia dengannya.ia hendak berungkak tetapi sahabat yang ada di situ mendesaknya menerima syor Rasulullah yang akhir kerana lebih daripada empat tidak dibenarkan lagi. Seseorang sahabat memberikan sebentuk cincin untuk dijadikannya mas kahwinnya. Kahwinlah Badwi itu dengan isterinya itu yang genap jadi empat orang.

Ia pun balik membawa isterinya yang baharu ke rumahnya. Dilihat oleh isteri baharunya itu tiga-tiga madunya baik-baik belaka. Tetapi telah jadi kurus kering kerana tidak cukup makan. Ditanya kepada suaminya - suaminya mencitrakan keadaannya bagaimana ia diperintah oleh Rasulullah sehingga kahwin empat itu.

Melihat itu isterinya yang baharu itu lalu mengeluarkan cincin mas kahwinnya yang diberikan kepadanya tadi. "Jualkan ini!" katanya kepada suaminya. Beli pemintal

bulu, beli bulu unta dan alat-alat membuat pemintalan – lebihnya belikan untuk makanan. Setibanya barang-barang itu di rumah, maka makanlah mereka bersama - dan bekerjalah mereka berlima bersungguh-sungguh. Sehingga sehari itu siap sehelai tikar. Siap sehari sehelai terus dijualnya dan dijadikan mereka pula modal dan sara hidup. Dengan begitu, hidup mereka menjadi mewah, banyak mempunyai ternak dan binatang belaan serta tanam-tanaman.

Saya turunkan – tidak sepenuhnya cerita ini di sini, supaya pembaca-pembaca dapat memaham bahawa bahawa perkahwinan diikat dan diajarkan oleh Rasullullah tidak disendikan kepada materi semata-mata, seperti pengertian *Communist* atau orang-orang *Sosialist*. Orang-orang Islam kita sekarang pun telah semata-mata menggantungkan keadaannya di dalam materi sahaja sehingga melupakan kepada kekuasaan yang ada di belakang daripada segala-galanya – dan tidak melihat kepada perbandingan-perbandingan hidup yang dilihatnya - semalam orang itu hidupnya mewah senang lenang, esoknya, hanya dalam masa 24 jam – jadi papa dan miskin terus melarat. Begitu juga sebaliknya.

Kemudian golongan-golongan Islam yang mengatakan dirinya cerdik pandai, berpandu kepada kitab-kitab terjemahan daripada bahasa Inggeris yangdua tiga kali diterjemah itu lalu dibuat suatu hukuman menegah mengadakan perkahwinan lebih daripada satu kerana tidak mungkin dapat melakukan keadilan.

Apakah keadilan itu menghalang atau dijadikan hukum untuk mengharamkan seseorang berkahwin lebih daripada satu? Lihatlah bagaimana syarak menghendaki di dalam erti adil. Adil yang dikehendaki hanya pada giliran – tidak selain daripadanya, tidak di dalam wati, tidak di dalam nafkah dan tidak di dalam pakaian. (Perkara ini, Insha-Allah akan saya kupas kelak seluas-luasnya kemudian – P).

Kemudian tiap-tiap seorang yang hendak kahwin dipaksakan lebih dahulu, ianya atau walinya, mengisi suatu

*form* seperti yang dilakukan peraturannya oleh orang-orang Kristian. Orang-orang Islam tentunya akan bertanya, apakah orang-orang Islam akan dijalankan ke atasnya hukum nikah kahwinnya mengikut aturan yang dibuat hanya oleh orang-orang Kristian sahaja?

Soal ini pula timbul lagi, seseorang suami Islam yang telah melafazkan talak atas isterinya, dengan *sarīh* atau bergurau, adalah gugur talaknya, kalau pertama talak satulah ia. Kalau ia memberitahu kepada mahkamah, maka mahkamah bilang nanti dulu, tidak boleh ditalak, mau tanya dahulu pihak isteri. Kalau isteri - bersetuju baharu boleh – kalau tidak, tidak boleh.

Orang-orang Islam tahu, kalau benar begini, peraturan

Surah terbit!

## Kitab “Pelajaran Sembahyang”

Kitab “Pelajaran Sembahyang” susunan al-Ustaz Ahmad Sonhadji Mohamad, guru Madrasah Aljunied al-Islamiah Singapura, telah dicetak semula setelah diperbaiki dan ditambah isinya.

Kitab (Pelajaran Sembahyang) ini, yang juga terkenal dengan nama (Allahu Akbar) mengandungi pelajaran tentang imam, ma’mun, masbuk, jemaah dan jenazah. Dalam cetakan yang kedua yang baharu siap ini ditambah dengan beberapa bahagian mengenai: rukun-rukun sembahyang, perkara-perkara yang membantalkannya, soal-soal berjemaah dan cara-cara menyembahyangkan mayat.

Harganya \$1.20 sahaja

Pesanlah kepada penerbitan:

**Qalam, Singapura.**

Ini tidak ada di dalam Islam, peraturan ini hanya peraturan Kristian. Hal talak adalah mutlak hak seseorang suami, hak khulu<sup>4</sup> adalah hak perempuan talak akan gugur dengan serta merta apabila sahaja dilafazkan sekalipun. Di dalam bergurau umpamanya, haram baginya bercampur kepada isterinya melainkan kalau ia rujuk sebelum habis masai. Hak-hak wanita pada masa itu hendaklah ditunaikan.

Hak mutlak itu tidak boleh ditahan atau dirampas oleh sesiapa daripada tangan suaminya. Ini hak yang telah diberi Tuhan. Sekiranya kerajaan, untuk mengatur hal-hal yang bersangkut dengannya supaya teratur keadaannya, maka itulah disetujui diadakan pendaftaran, tetapi pendaftaran tidak boleh mengambil hak yang telah diberi oleh Tuhan kepada seseorang suami itu. Kalau enggan didaftarkan ertiinya pihak mahkamah tidak mau mendaftarkan kelak akan terbitlah beberapa banyak perkara-perkara anaya yang akan terjadi terutamanya di dalam bahagian waris mewarisi, dan meluluskan seorang janda akan didaftarkan berkahwin semula sekalipun ia sebenarnya janda tetapi secara bersurat ia masih menjadi isteri suami yang lalu.

Sesungguhnya ada banyak lagi hal-hal yang menyeluk mata yang terjadi, yang saya rasa umat Islam tidak mengetahuinya bahkan harus Majlis Islam Penasihat Kerajaan pun tidak mengetahui perkara-perkara peraturan yang sedang dijalankan yang bertentangan dengan hukum-hukum Islam itu.

Sekarang terang dan jelas, sekiranya semuanya ini benar (keterangan-keterangan yang bertulis sememangnya ada di tangan kita), maka sudah terang bahawa hukum yang dijalankan sekarang untuk orang-orang Islam ini bukannya hukuman yang berpandu atau bersesuaian dengan syarak. Saay serahkan menyiasatnya lebih luas hal ini kepada badan-badan Islam; apakah mereka bersedia menegakkan kalimah Tuhan?